

四庫全書

集部

欽定四庫全書

宋詩紀事卷六十五

錢塘厲鶚撰

陳均

均字平甫號雲巖莆田人俊卿從孫肄業太學
嘗輯宋編年舉要備要二書端平初有言于朝
者敕賜迪功郎不受卒

九江聞雁

烟波渺渺夢悠悠家在江南海盡頭音信稀疏兄弟隔

一聲新雁九江秋

詩家鼎鑪

鶴林寺

知有楓林坐竹間
每尋紆路試登山
虛簷忽見籠中鶴
似我愛閒身未閒

竹遶高僧逢話處
花畱仙者舊開枝
道身虛淡元無著
付與東風爛漫吹

鶴林寺志

杜旃

旃字仲高
旃弟與弟旃
叔高旃季高
旃幼高俱

博學工文人稱金華五高嘗占湖漕舉首有癖
齋小集

綠珠行

蜀絲殷空金作谷珊瑚成林珠百斛彼姝千花萬花簇
明月出胎波照綠鏡中飛鸞掌中身夜月春花看不足
悲歡倚伏為禍福西里憐顰東市戮願將舊意奉新人
此別它生定難卜君因妾死莫多怨妾死君前君眼見
高樓直下如海深壁玉一碎沙中沈平時感君愛妾貌

今日令君知妾心

讀杜詩斐然有作

王澤久淪決正聲皆雅言百川忽西流青黃雜犧尊騷
經吹死灰明燭日月昏綺麗兆建安淳古還開元夫子
握元氣大音發胚暉明婁失毫芒神義隘乾坤再變六
義彰一日五典惇上該周南風下返湘水魂仲尼不容
剛餘子何足吞五季兵戈繁嘲啗蟲鳥喧頽波既瀾漫
新竒尚西崑吮喙生譏評神鬼懷憤冤王蘇發醢甕黃

陳窮河源煌煌百年間後學同推尊時時或嘗鼎往往
猶戴盆倣摹惑銅槃箋釋訛金根顧予小子旃獨受罔
極恩神融淚交墮思苦心屢捫相望五百載如接顏色
溫爐冶無停工況復忝諸孫斯文誠尚存庶以起九原
陸務觀赴召

四海文章陸放翁百年漁釣兩龜蒙數關天地吾何與
老作春秋道未窮李耳守官逾二代張蒼職史到三公
坐令嘉泰追周漢此是君王第一功

以上癖齋小集

杜旂

旂字叔高端平初以布衣召入館閣校讎

陳同甫跋云叔高之詩如干戈森立有虎食牛之氣而左右發春妍以輝映于其間

嚴先生釣臺

斯人真隱處寂寞使人愁正著雙臺在還從一老遊涼

風動陰壑斜日下滄洲灘畔沈沈水潛魚亦避釣

釣臺集

游九功

九功字勉之建陽人用蔭補官除湖北運判知

鄂州召為兵部郎官出知泉州端平初仕至司
農少卿寶謨閣直學士與兄九言自為師友講
明理學號受齋先生謚文清

絕句

烟翠松林碧玉灣捲簾波影動清寒住山未必知山好
卻是行人得細看

全芳備祖

荅黃叔暘

冥鴻倦雲飛斂翼退遵渚秋蟲感時至自野來在宇老

我久合歸溪山況延佇俯此沙水清面彼烟塵聚壑斷
既衝衝瀾倒亦詡詡豈無砥中立而不改風雨忽忻遠
寄聲秀句盈章吐璀璨爛寒芒晴空見冰柱頗聞詞場
筆漫焉棄如土黃梁枕上過得之亦不處獨行固不移
尤在審去取

詩家鼎鑪

李伯玉

伯玉字純甫饒州餘干人端平二年進士第二
仕至敷文閣待制權禮部尚書兼侍讀卒有斛

峯集

懷湯尚書伯紀

一曲清歌一弄琴
十千美酒十分斟
江流不動潮初上
斗柄將垂夜向深
沙觜露溥孤鶴警
潭心月冷老龍吟
此時最是懷鄉國
雲裏征鴻閒遠砧

饒州府志

潘牂

牂字庭堅閩人
端平二年進士
第三歷太學正
通判潭州有紫巖集

齊東野語庭堅富沙人初名公筠後以詔歲乞
靈南臺神夢有人持方牛首與之遂易名枋理
宗殿試第三人跌宕不羈為福建帥司機宜文
字日醉騎黃犢歌離騷于市嘗約同舍置酒瀑
泉酒行令曰有能以瀑泉灌頂而吟不絕口者
衆拜之庭堅被酒豪甚脫巾髻髻裸立流泉之
衝高唱濯纓之章衆謬為驚歎羅拜以為不可
及歸即卧病而殂庭堅年六七歲時嘗和人詩
云竹纔生便直梅到死猶香識者知其不永劉
潛夫誌其墓云庭堅為文脫去筆墨蹊徑秀拔
精妙結字有顏筋柳骨小楷尤工廷試第三策
傳京師紙貴初遠相擅國諱聞綱常端平親政
奮發獨斷雪故王收人望乙未策士庭堅對曰
陛下手足之愛生榮死哀反不得視士庶人宜
厚東海之恩裂淮南之土以致人和時對者數
百人庭堅語最直

澧陵

一郭依稀隔渡頭，解鞍來倚店家樓。
已攀桂樹吟招隱，因看梅花賦遠游。
市上俚音多楚語，橋邊碧色是湘流。
江南鄉國三千里，目送羈鴻起暮愁。

後村千家詩

題嶽麓寺道鄉臺

坡仙不謫黃黃應，無雪堂道鄉不如新。
此臺無道鄉青山，非其人山靈能頡頏。
一落名勝手境與人俱，香悲吟倚空寂臨眺生。
慨慷道鄉不可作，承君不可忘聞。

困學紀聞

景靈宮恭謝駕回丞相以下皆簪花

輦路安排看駕回，千官花壓帽簷垂。
君王不輟憂勤念，玉貌還如未插時。
隨隱漫錄

落梅

一夜風吹恐不禁，曉來零落已駸駸。
忍看病鶴和苔啄，空遣飢蜂繞竹尋。
稚子躊躇看不埽，老夫索寞坐微吟。
窗前最是關情處，拾片殷勤在掌心。
夢梁錄

英烈夫人廟

淮海豔姬毛惜惜蛾眉有此萬人英恨無匕首學秦女
向使裏頭真杲卿玉骨花顏城下土冰魂雪魄史間名
古今無限腰金者歌舞筵中過一生

高郵州志毛惜惜郵之官妓也端平二年榮全
據城叛召惜惜佐酒不屈罵賊死詔封英烈夫
人賜廟潘枋有詩

曹娥江

一川紅日漲晴波黃絹碑漫閉碧蘿不止但爭三十里

曹瞞元不識曹娥

娥江題詠

林希逸

希逸字肅翁福清人端平二年進士歷官翰林
權直兼崇政殿說書直祕閣知興化軍有庸齋

續集竹溪十一稿

劉後村跋乾淳間林艾軒始好深湛之思加鍛
鍊之功有經歲累月繕一章未就者一傳為網
山林氏名亦之字學可再傳為樂軒陳氏名藻
字元潔三傳為竹溪詩比其師稿乾中含華滋
蕭散中藏嚴密窘狹中見紆餘

題馬和之覓句圖

先生隱几奴煨火斜插疎枝破瓦尊
鶴夢未回更幾轉
吟成應是月黃昏

明皇聽笛圖

壽王妃弄寧王笛對面三郎背老伶
卻恨馬嵬西去路
無人吹出雨淋鈴

題江貫道山水四言

此畫尺絹作石林簡齋有詩跋

遠山叢叢遠樹濛濛咫尺萬里江
行其中短長何岸高
低何峯彼坻彼峙彼瀑彼洪晴嵐乍豁
煙靄蔥蘢或斷

或屬且淡且濃爾萃奚寺爾盤奚宮或垣陰翳或梁嵌
空有吠者厖有樵者翁危檣落碇短棹掀篷往來異趨
寂動殊容累翠其庭豈非盧鴻畧舸而渡豈非龜蒙昔
我經行雲山萬重若淮南北與江西東亦蓑而雨亦帽
而風乃今追維夢境相從及此開卷恍然昔同誰居作
者造化論功淹總其裔熙成是宗聲聞九陛既召而終
謂彼樹白貫道畫林木如
算子其身皆白識其身窮其然豈然訊之天
公此名穹壤疇曰不逢

題達磨渡蘆圖

白頭浪中碧眼胡赤腳笑踡雁銜蘆太平寺主不知我
觀音後身誰誑渠是身如幻本來空偶然游戲非神通
當年涉海向震旦扁舟本與商胡同君不見壺丘弟子
御風飛猶有所待周笑之又不見橫拋錫杖渡水僧回
瞻黃檗稱大乘此胡法器更奇在何曾以此為聖解蕭
郎不悟義不畱欲要時人畧驚怪異時埋骨寄熊耳萬
里西歸提隻履忽從蔥嶺遇宋雲雅意依然今日是此

圖誰筆面如活客來卻詠臨波韞若將底事比渠儂老

胡暗中定羞殺

以上竹溪十一藁

曾三異

三異字無疑號雲巢新淦人以隱逸召為祕閣

校勘除太社令

鶴林玉露雲巢周益公門人博學工文尤精考訂以隱逸召立朝逾年未及有所聞陳奉祠而歸年九十乃終

攜茶訪楊東山

寒衣不待履霜回到得如今亦樂哉泓穎有時供戲劇
軒裳無用任塵埃眉頭猶自懷千恨興到何如酒一杯
知道華山方睡覺打門聊伴茗奴來

陳容

鶴林玉露端平初楊東山累辭召命以集英殿修撰致仕家居年八十雲巢攜茶袖詩訪之詩云云

容字公儲自號所翁福唐人端平二年進士倖
臨江入為國子監主簿出守莆田

圖繪寶鑑所翁詩文豪壯善畫龍得變化之意
潑墨成雲噴水成霧醉餘大叫脫巾濡墨信手

塗抹然後以筆成之或一臂一首隱約不可名
狀曾不經意皆得神妙

題浯溪中興頌

銀旗金甲渡巴西靈武城樓已萬幾一札祇聞元帥命
五牋合待使臣歸未聞請表更追表且看黃衣換紫衣
天性非由人偽滅何緣尚父結張妃

六等勝如誅獨柳二張縱活亦何顏太師死後猶書法
水部刑章托頌聞最憶海青投樂器絕憐甄濟隱青山
中興碑下姦臣懼天道何嘗不好還

隨隱漫錄

張道洽

道洽字澤民號實齋衢州開化人端平二年進士嘗為池州簽判後辟襄陽府推官卒平生作梅花詩三百餘首

方萬里序實齋先生詩無一語不平淡而豪放之氣自不可掩詠梅詩極多篇有意句有韻

梅花

行盡荒林一徑苔竹梢深處數枝開絕知南雪羞相並
欲嫁東風恥自媒無主野橋隨月管有根寒谷也春回

醉餘不睡庭前地祇恐忽吹花落來

瀛奎律髓

李山節

山節汾州人金亡歸宋

詠楊妃菊

命委馬嵬坡畔泥驚魂飛上傲霜枝西風落日東籬下
薄幸三郎知不知

山房隨筆端平中朱湛虛復之使北展觀八陵
引李與王仲偕南李初任鄉郡節制司幹後任
浙西倖時正倖陳三嶼松龍會僚友于多景樓
賞楊妃菊令諸妓各持紙筆侍衆官請詩李自

江下後至酒一行起背手數步吟云云辭致精切或至閣筆

陳振孫

振孫字伯玉號直齋安吉縣人端平中仕為浙西提舉改知嘉興府嘗著書錄解題

題張氏十詠圖

平生聞說張三影十詠誰知有乃翁逢世昇平百年久
與齡耆艾一家同名賢叙述文章好勝事流傳繪素工
遐想盛時生恨晚恍如身在畫圖中

齊東野語

朱復之

復之字幾仲號湛盧建安人端平中使北展謁
八陵

楓

鳳山高兮上有楓青女染葉猩血紅莫辭老紅嫁西風

一夜憔悴成禿翁

全芳備祖

句

忽聽夏禽三五弄新紅突過石榴枝

初夏

紅渠老去羞明

鏡推讓朱榮上蓼梢

秋日

後村詩話

周 弼

弼字伯弼文璞之子有端平詩雋

建寧浦城李頻行祠

建安梨嶽老梨木刻作唐朝建州牧香爐忽動吹寒灰
浦城環翠陰風來嶺頭頑石盡能走澗下奔泉皆倒回
猿猱啼兮鬼嘯野六元蚪兮四驪馬想須吟遶碧草亭
舉手高翻白雲寫峯為文通名夢筆楊公書堂曾散帙

麗月鮮霞付與誰烟墅有人還築室田父何所祈贈爾
青甍黑桑椹里儒何所求贈爾黃梁布囊枕萬歲兮千
秋既往兮復畱抽蘭心拆椒口簸南箕挹北斗不假竹
枝歌何須折楊柳祇用秦原妙絕詞傳入神弦薦春酒
寄杜北山

一曲小湖濱幽居不厭貧坐容禪子憩家就麴生鄰簷
竹侵燈衆籬花落竈頻幾時吟得句寄與豫章人

孫伯符墓

梧葉蕭蕭墓草長夢魂曾斷九迴腸空聞絳帟離漳水
誰見黃旗入洛陽虎踞有基宮樹老龍盤無廟石城荒
赤鳥不識桑田變猶自棲棲戀白楊

山居春晚

索居牢落動關心但覺怱怱歲月侵無夢不因憐晝靜
有懷多是惜春深草香稚蜨銷胡粉花落蠻鶯變楚金
最是不禁芳樹色能涵幾日又成陰

荻港

波眼沍沍浪復輕稍蘇羈束過清明倩人覓路先尋酒
久客懷鄉始見飭松下紫芽肥野菜竹間青葉帶山櫻
自從一別齊安後直到今朝始聽鶯

中和節

時節急忙過隙駒可堪岑寂就船居不禁衰病慵耽酒
無益閒交嬾報書風暖暮田歸海燕雨酣春水上潮魚
客中自是光陰速纔見新正又月初

釣臺

晴江漾漾綠波來惆悵君房去不回秦苑山河歸故國
越鄉風雨閉荒臺春風一道江離長落日千峯杜宇哀
欲訪釣舟無處所野花如雪滿汀開

野廟

野廟荒蕪倒掩扉寂寥香火客來稀年年歸燕相看覩
空滴春泥損畫衣

夜深

虛堂人靜不聞更獨坐書牀對夜燈門外不知春雪霽

半峯殘月一溪冰

題僧子溫畫水墨葡萄

裏裏多應半熟時
落斜高挂冷攢枝
分明記得山窗下
一架寒藤帶雨垂

除夕思歸

山妻書到多日野
渡舟橫幾回想
見溪邊亭上故人待

我銜杯

以上端平詩雋

陳瀧

瀧字伯雨其先汴人徙于吳鄉薦漕試皆不利
晚號碧澗翁與湯仲友高常顧逢皆吳中端淳
名士

題蘇子美滄浪亭

有甃井方石上刻字兩行云滄浪亭夾局

整履上飛虹風高退酒容葉黃翻亂蜨樹老卧蒼龍古
徑秋霜滑空山暮靄濃滄浪碁石在題筆暗塵封

硯北雜志

樓扶

扶字叔茂號梅麓鄞人端平中沿江制置司幹

官淳祐中知泰州軍事

句

夜深更擁寒衾坐明月梅花共一窗

全芳備祖

張端義

端義字正夫自號荃翁鄭州人居姑蘇端平中
應詔三上書韶州安置有貴耳集

賦秋江圖

浪靜風平月正中自搖柔櫓駕孤篷若無三萬六千頃

把甚江湖著此翁

貴耳集附自作小傳大父雲莊公登辛未榜先
君詠齋為淮南漕光宗即位初年應詔上書下
後省看詳羅紫微點劉左史光祖極稱賞之將
上為時宰所沮予少苦讀書肄舉子業勇于弓
馬嘗拜平齋項先生于荆南如慈湖說齋鶴山
菊坡習菴皆從之遊愛作詩賦小詞盧蒲江取
碧雲千里暮紅葉十分秋之句周晉仙取怨春
紅豔冷之句孟藏春取蜨詩不因花退盡必是
夢殘時之句凡海內名勝來吳必訪樂園之張
書桃符曰江湖旦過詩酒叢林應端平詔上第
三書得旨韶州安置以螻蟻之微嬰斧鉞之威
人皆危之當國者云詔以直言罪以直言非祖
宗制幸脫萬死考之典故安置待宰執侍從居
住待庶官聽讀待士子自效待軍將小臣用大

臣之法誤矣或者以安置為竄謫之極典又非也余三十年前賦秋江圖一絕今白髮種種儻符此詩語吾志畢矣余生于淳熙之己亥書于淳祐之辛丑年六十有三有上皇帝三書詩五百首詞二百首雜著三百篇曰荃翁集

挽周晉仙

策杖辭朋友形骸已可憐
無錢親藥裹冒雨上歸船
官竟生前棄詩應死後傳
空餘京洛月愁照夜臺邊

詩家鼎鑪

盧方春

方春號柳南永嘉人嘉熙戊戌進士

送陸郎中歸越

喈喈風雨餘出晝思何如鏡裏無慚色囊中有諫書寒
崖立松柏清廟擲璫璣四海看霜月光明祇似初

詩林萬選

窄嶺

危嶺惡有名窄嶺險無數石鼻卷我車石牙隱我步空
岡蟲九頭黑身眼四顧擲之聲愈厲飛前使人怖想當
開闢時已是樵獵路茅臭不成山瀑斷不成布丫茁升
惡猿啼湔立飢鷺蘆花大如錢況乃時寒沍遐征誤假

道撫景自作怒林壑非出倫筆硯不入務腳急宿未投

天低日俄暮

東甌詩集

錢時

時字子是號融堂淳安人受學慈湖之門嘉熙
二年以薦授秘閣校勘出佐浙東倉幕召為史
館檢閱有蜀阜前後集

十六渡

頗聞十六渡客子良間關一雨落澗谷湍氣怒潺潺我

來屬秋晚霜葉初爛斑窈窕行竹輿鳴禽相與閑複嶺
互交鎖淺瀨隨回灣路斷一罅通石磴危躋攀時見荷
鋤者行歌語蠻蠻採山有薇蕨結廬有茅管安知避世
人不曾巢其間何時一枝筇溯流到黃山桃源事荒怪
誰謂非人寰

蜀阜精廬無風自涼方欣然出戶見竹雞將雛砌
外

蒼蘆淨如洗蒼筤清且深依巖自幽潤況無日影侵亭

午一升階忽若投凌陰涼氣颯以入肅肅生衣襟大火
浮炎埃虛堂抱雲林安得冰霜顏聽我山中吟盤桓去
未忍砌外行山禽一母將四雛出沒叢草陰我非有馴
德渠自無機心欣然歸北窗載弄南風琴

袁尚友座中王屯田出與可竹甚奇歸成古調

郎星聚頭金地麓十月夜堂春昱昱屯田博古到名畫
座上忽展牛腰束我生不識須菩提薛鶴楊梅姑置之
寒梢八幅奇更偉上有巴中與可題蒼蛟滑足石詰曲

鐵鉤怒掃連蛇腹，鼓風灑雨清逼人。恍疑身在簷簷谷，
千尋雙幹劍拔雄筆力。有盡意無窮冥冥上，與風霆會
拭目變化洪陂龍。長憶東坡一轉語，與可德人非畫史。
輪囷寫出歲寒心，正要諸公來料理。
薛稷鶴楊補之梅
並唐畫須菩提皆
座上所觀

新晴

宿雲穿日薄，商畧作新晴。燕子先期社，海棠今日春。
溪山雙白鬢，天地一閒身。無語東風裏，飛花亂撲人。

安素午睡

禾黍秋相近溪山日自長
午窗千嶂雨幽夢一簾香

以上

蜀阜集

溪南遇雨

溪風颯颯雨霏霏
秋滿蘋汀獨步歸
丹墀園林棠葉老
錦纏籬落豆花肥
眼前風景依然在
箇裏光陰得者稀
憶著歲寒雲壑上
山禽對雨傍人飛

嚴州府志

登蜀阜

秋暮如京歲暮還春來更墮藥瓢閒眼前有底閑風月
忍得經年不上山

青溪詩集

賈似道

似道字師憲號秋壑天台人姊為理宗貴妃詔
赴廷對登嘉熙二年進士累拜少傅右丞相度
宗朝拜太師平章軍國重事德祐初元兵破鄂
州出督師潰于魯港謫高州團練使循州安置
至漳州木綿菴監押鄭虎臣拉殺之

盧熊蘇州府志鄭虎臣宅在鶴舞橋東其家鉅富居第之盛號鄭半州四時飲饌各有品目著集珍日用一卷并元夕閨燈實錄一卷當宋末殺賈似道于木綿巷即其人也虎臣字景召

歸葛嶺舊居

罷官歸舊宅山水得頻過
息影隄邊樹清心湖面波
勞無功可紀頑有命相磨
見說連朝雨田家正剪禾

題孤山

半是樓臺換卻春幾回獨立更消魂
斷隄野水梅花宅千古春風月一痕

紫薇嶺

在昌化縣

西風落葉路漫漫
衣袂微生旦暮寒
祇隔片雲家便到
遠山移作夢中看

鳳山

在於潛縣

數家烟火深村裏
幾處牛羊落照中
客久不歸心事遠
梧桐葉葉是秋風

宿天竺通元菴

十里高楓樹松邊
屋數間客同終夜語
心是一般閑燈

色難禁雨秋聲不離山明朝分手後俗事不相關

咸淳庚午冬大雪遺安撫潛侍郎

臘前又放玉園林一片花飛一片心
瀟爽端由人所召
變調多媿病難任
乾坤浩浩無偏處
田野穰穰更自今
但得諸賢成此樂
擢舟我欲去山陰

以上咸淳臨安志

芍藥

又是揚州芍藥時
花應笑我賦歸遲
滿堂畱客春如畫
對酒何妨鬢似絲
玉立黃塵那可到
錦幃紅蠟最相宜

買山若就當移種此際誰能杖履隨

梅花

朔風吹面正塵埃忽見江梅驛使來憶著家山石橋畔
一枝冷落為誰開

山北山南雪未消村村店店酒旗招春風過處人行少
一樹疎花傍小橋

閨怨

燕子樓前柳色新畫眉人去鏡生塵年來羞結空牀夢

閑撥琵琶過一春

以上全芳備祖

寒食

寒食家家插柳枝
戀春春亦不多時
兒孫祇解花前醉
青冢能消幾箇悲

三朝野史寒食詩云云此賈秋壑于德祐元
年上母墳回至集賢堂所作豈非亡國之讖

天台石橋

古寺行終日
僧房出翠微
瀑為煎茗水
雲作坐禪衣
尊者難相遇
遊人又獨歸
一猿橋外急
便是不忘機

天台志

句

梅花見處多畱句諫草藏來定得名

送朝客

深雪偶

朱南杰

南杰丹徒人嘉熙二年進士溧水令有學吟

同陳如叔遊湖

四月湖邊冷若秋先賢堂下繫扁舟
山頭積翠來新意波面飄紅憶舊遊
無奈楊花欺倦客已多荷葉覆輕漚
隄邊誰道春歸了猶有一聲黃栗畱

題吳梅菴和靖索句圖

童寒鶴冷雪霏霏正是先生得句時一段孤清圖不盡

梅花從此厭人詩

以上學吟

錢默

默號梅谷時子

秋思

坐擁遺衾百尺樓湘簾高捲不勝秋半窗涼月三更夢

一枕淒風萬斛愁

青溪詩集

錢 標

標默弟

溪上

秋老蘆花冉冉飛
曉天寒氣襲人衣
輕橈擢入鷗羣去

釣得鱸魚帶雨歸

青溪詩集

蔡公亮

公亮嘉熙中監岳見孫夢觀雪窗文集附錄

一字天

石室陰幽卻朗然仰窺長罅見清元不知誰把如椽筆

畫出光明一字天

武夷詩集

翁逢龍

逢龍號石龜四明人嘉熙中平江通判

天津橋

下馬過天津聽傳禁漏頻惟憐一橋月曾照六朝人金

剝宮門字紅飛粉壁塵中官來宿內因問帝鄉親

景定建康

志

曹娥江

再拜靈娥廟魂清若可招
幡風吹古渡帆月落殘潮碑

有行人讀香多野客燒迎神
漢朝曲時聽起雲霄

娥江題詠

杜耒

耒字子野號小山盱江人

鶴林玉露嘉熙間山東忠義李全跋扈日甚朝廷擇人帥山陽見士大夫無可使遂用許國許國武人也特換文資除太府卿以重其行國至山陽偃然自大受全庭參全軍忿怒囚而殺之悞容杜子野詩人也亦死焉

送胡季昭竄象郡

事見翁定詩

廬陵一小郡百歲兩胡公論事雖小異處心應略同有書莫焚橐無恨豈傷弓病媿不遠別寫詩霜月中

鶴林玉露

寒夜

寒夜客來茶當酒竹爐湯沸火初紅尋常一樣窗前月纔有梅花便不同

同紫芝宿雙嶺

本作翠巖游反成雙嶺畱雲深山易晚雨過寺如秋野

水連青竹殘僧半白頭上方成共宿劇語到元幽

以上前賢

小集拾遺

苔溪

風掠篷窗兩鬢秋生涯無歲不扁舟吟詩本欲相消遣
及到吟成字字愁

詩林萬選

趙范

范字武仲號中菴衡山人少從父方軍累官淮
東安撫與弟葵討平李全進工部尚書沿江制

置使尋知襄陽府北軍內叛言者劾范落職送
建寧府居住嘉熙初復官卒于家

絕句

半窗圖畫梅花月一枕波濤松樹風不是客愁眠不得

此山詩在此香中

全芳備祖

趙葵

葵字南仲號信菴范弟少從父方軍中補承務
郎以淮東提刑平李全有功進兵部侍郎淳祐

中拜右丞相兼樞密使咸淳初特授少師武安
軍節度使封冀國公薨贈太傅謚忠靖有集

劉後村跋少保丞相魯國信菴趙公事兩朝出
將入相四十餘年發曠懷于翰墨寓雄心于杯
酒其討謨定命則雅人之致家庭唯諾則萬石
之訓結交氣義則河梁之作望古慷慨則梁父
之吟至于陶寫性情賞好風月雖玉臺香奩諸
人極力追琢者不能及也

雪夜

酒力欺寒淺心清睡較遲梅花擎雪影和月度疎籬

雪

玉龍昨夜起天涯
曉看團花一尺圍
莫放妝臺簾卷上
怕驚釵畔寶鸞飛

以上後村千家詩

避暑水亭作

水亭四面朱闌遶
簇簇遊魚戲萍藻
六龍畏熱不敢行
海波煎徹蓬萊島
身眠七尺白蝦鬚
頭枕一枚紅瑪瑙
公子猶嫌扇力微
行人多在紅塵道

昨非菴日纂趙葵嘗避暑水亭作詩六句已成
葵遂睡去有侍婢續二句云云

惠山寺

古木森森映碧苔，嵯峨樓閣倚天開。
山僧不問朝天客，自注冰泉浸野梅。

常州府志

林興宗

興宗字景復莆田人官曲江守

句

最是北來詩料少，地寒難得見梅花。
形容變盡頭如雪，不改當時一寸心。

梅磻詩話：宋嘉定寶紹間，叛將李全駐兵淮東之山陽，驕悍難制，戕許國、逐姚弼、殺命士、荀夢。

五杜耒士大夫視山陽不啻如蛇鄉虎落時莆
人林興宗景復授法曹以往時論壯之安晚鄭
公在鎖闥餞行有詩云淮海轅門立奇士要看
左袒為劉時蓋免其盡節也景復到任後改淮
安令辛卯春全破通泰犯揚州為王師掩擊殪
城下其妻楊姑姑懼朝廷必討遂掃衆盡俘執
南官北去景復羈囚山東凡十年挺節無所汙
安晚餞詩可無負矣信菴趙公遣問物色損金
資得之以反縣國印與告身俱存趙公奏乞旌
擢以勸盡節者朝廷錄用官至曲江守景復北
地詩云云江湖間多稱之

葉夢鼎

夢鼎字鎮之寧海人嘉熙上舍釋褐淳祐中為

祕書郎寶祐初以集賢殿修撰知贛州咸淳間
特拜右丞相惡與賈似道同政力辭益王即位
召為少師道梗不能赴南向慟哭而還卒于家

瀛洲亭

在撫州西北

汝城高處著危欄人在蒼寒縹緲間下瞰無邊春境界
西來第一好江山酒拈重碧酣詩思柳曳輕黃入笑顏
閣老可能專此勝蛾眉花底又催班

撫州府志

許棐

裴字忱夫號梅屋海鹽人嘉熙中隱居秦溪于
水南種梅數十樹自號梅屋有梅屋詩彙融春

小綴

許梅屋嘗自序其藏書目云予性喜書舊積書
千餘卷今不啻倍之人有奇編見無不錄以故
環室皆書今即老而貧乎而人不鄙夷予之貧
鬼不擲榆予之貧皆書賜也

訪潘叔明

一室寬于養鶴籠荻簾疎透雪花風怪來几案無寒色
春在題詩卷子中

明妃

漢家眉斧息邊塵
功壓貔貅百萬人
好把香閨舊脂粉
豔妝顏色上麒麟

元夕後湖上作

自從樓閣罷燒燈
未有今朝一日晴
暖拆葑邊冰翼破
寒畱山頂雪痕輕
驕驄已印尋芳跡
小妓新翻鬪唱聲
每箇旗亭商一醉
也應排日到清明

枯荷

萬柄綠荷衰颯盡雨中無可蓋眠鷗當時乍疊青錢滿
肯信池塘有暮秋

泥孩兒

牧瀆一塊泥裝塑恣華侈所恨肌體微金珠載不起雙
罩紅紗廚嬌立瓶花底少婦初嘗酸一玩一心喜潛乞
大士靈生子願如爾豈知貧家兒呱呱瘦于鬼棄卧橋
巷間誰或顧生死入賤不如泥三歎而已矣

以上梅屋
詩稿

筍蕨羹

趁得山家筍蕨春，借廚烹煮自炊薪。
倩誰分我杯羹去。

寄與中朝食肉人。

山家清供

黃簡

簡一名居簡，字元易，號東浦，建安人。寓吳，工詩。

嘉熙中卒。通判翁逢龍葬之虎丘，有東浦集、雲

墅談雋。

犂春操為謝耕道作

東山兮雲浮，東澗兮雨流。失今不勤兮，曷其有秋。水淫

兮石齧田礪礪兮一跬九折予勞兮何辭牛奚罪兮從
予以羸眇良疇兮彌野獨功倍兮刈寡雖然不愈于無
田而遊兮歲晏淒其桑落之下

招荆江蕩子

衝風逐飛雲庭葉紛墮槁蕩子久不歸佳人坐中老蕭
蕭楚山晚湛湛江水流經從望夫石那得不回頭

以上
前賢

小集拾遺

柴望

望字仲山號秋堂衢州江山人嘉熙間為太學
上舍除中書奏名淳祐六年丙午元日日食詔
求直言上丙丁龜鑑忤時相意詔下府獄趙節
齋疏救得放歸田里因又號歸田景炎二年端
宗登極三山孔大諫奏薦特授迪功郎史館國
史編校辭歸山中宋亡後稱宋逋臣有道州台
衣集詠史集

困學紀聞淳祐丙午衢士柴望上丙丁龜鑑其
表云今來古往治日少而亂日多主聖臣賢前

車覆而後車誠

月夜溪莊訪舊

山山明月露何處認梅花石室冷疑水溪流白是沙清

吟幽客夢華髮故人家相見即歸去已應河漢斜

天地間集

靈芝寺別祖席諸友

落日寒城暮雨餘滿斟離酒意何如見妻還指張儀舌
痛國誰憐賈誼書羸馬病童旋雇倩寺禽山獠亦歛歔
長安可是深居處更向深山深處居

鶚按淳祐六年秋堂以上丙丁龜鑑下獄趙京尹節齋疏救之放歸田里設祖道涌金門外者為三山鄭震紹武吳陵建安葉元素松溪朱繼芳錢唐翁孟寅田井陳麟黃漆南康馮去辨西江趙崇嶠曾原一盱江黃載汶陽周弼時晚色涵岫商飈振林各賦詩為別見蘇幼安所撰墓誌中靈芝寺正在涌金門外

和王景陽越中寄別韻

王名億之號松間

故人書祇問平安分已還山豈願官
援鶴不驚松徑夢
貂蟬難換竹皮冠
長安落葉秋深見
故國斜陽雨後看
莫道剡中吟不盡
不成吟處亦停鞍

送宋南山開蜀閫

殿上傳宣內引官一封歷歷奏忠肝
八千里路先聲至
百萬都人夾道觀節度晉公先授鉞
淮陰韓信舊登壇
擎天正要中流柱莫擬人間蜀道難

和通判弟隨亭書感韻

風沙萬里夢堪驚地老天荒祗此情
世上但知王蠋義
人間唯有伯夷清
堂前舊燕歸何處
花外啼鶯月幾更
莫話淒涼當日事
劒歌淚盡血霑纓

沛中歌

秦時日月漢山河家計今誰與仲多天子不知天下貴
酒中唯唱沛中歌

以上柴氏四隱集

戴曷

曷字景明號東野石屏之從孫嘉熙己亥授贛
州法曹參軍有東野農歌集

秋日過屏山菴

淒切抱葉蟬聞關棲樹禽入山本避喧復愛聆此音微

颺動夕爽薄雲散秋陰衆籟閒以靜片月生東林

有感

著身平地更多憂一棹思為泛宅謀昨夜西風邊報急

防江也要釣魚舟

以上農歌集

高子鳳


子鳳字儀甫華亭人嘗注杜詩林竹溪為序

題楊補之墨梅卷

籬根玉瘦兩三枝為繞吟香夜不歸安得密林千畝月

仰眠吹笛看花飛

松風餘韻



宋詩紀事卷六十五

欽定四庫全書

集部

宋詩紀事卷六十六

詳校官監察御史_臣李陽樾

侍讀_臣孫球覆勘

總校官進士_臣繆琪

校對官中書_臣牛稔文

謄錄監生_臣沈世攻

欽定四庫全書

宋詩紀事卷六十六

錢塘厲鶚撰

徐儼夫

儼夫字公望平陽人淳祐元年進士第一官至

禮部侍郎

直鈞和韻

一曲湖邊一釣磯桃花風定柳綿飛漁人豈識濠梁趣

祇解沙頭盡醉歸

東甌詩集

王應麟

應麟字伯厚其先汴人後居鄞淳祐元年進士
寶祐四年中博學宏詞科度宗時官禮部尚書
兼給事中入元始卒有深寧集

唐開成年墓誌石

元至元二十七年城中握蘭橋窮民家築室穿土得
誌石一片其文乃唐開成四年太原王夫人之墓誌
謂其曾祖王元浩在元宗時拜諫議大夫左庶子慕

巢由之志辭疾不就前宋尚書王應麟為詩以紀其
事

鴻濛肇開闢變嬗幾成毀寥寥斷竹歌瓦墜
初姚姒周墳典以族詎認青烏子公琴記咎繇邢山稱重里葛清
失之矯璠璣過于侈焉知宮夾墓莫識龜言水銅槃字
十六銘自比干始延陵有孔子烏虆半辭止漢甄猶簡
樸石章侈華靡無媿惟有道媚俗多虛美七松談士良
何以懲不軌載筆鮮南董襲浮謬臧否豈悟冢中人三

百年不死婦名弗出閭古未有碑誄諡見春秋初誌起
典午氏簪蒿隱士妻芳刻垂千祀楊高託不朽習之文
中理或犯葵丘禁息國事何恥蛾眉為黃土磨滅更誰
紀宰如比何人雒邑之士女逸民儒仲喬冰雪濯紈綺
采儷古鄆州儉勤終暮齒口問幾何年頗與銅人似雖
微黃絹辭亦質而不俚丘夷池又平蓬顆今塵市聚廬
寒劫灰餘光輝泥滓或行松柏下勢榮朝菌爾隆碣牛
礪角翁仲卧荆杞蘭艾均一塵玉珉同一燬孤竹夢茫

然柳下壟孰是片石幸有傳詩以貽彤史

王尚書遺藁

澤民廟

唐大歷間明州刺史吳謙築九里堰民德而祀之

城西有祠臨水渼翠松列植路如砥問之耆老此為誰
唐大歷中吳刺史刺史為民開陂湖故蹟猶傳堰九里
年年簫鼓報豐穰決渠為雨潤澤美遺愛有橋名懷恩
姓名不載太史氏昔漢吳公治第一列傳寂寂名無紀
刺史豈其苗裔歟明州政亦河南比堂上大書荊公詩
蘭菊春秋百世祀地誌祇稱王長官有功于民蓋一揆

吾聞是邦多賢守裴王碑字顏與李惟侯盛德著人心
彼石可焚祠弗圯廣德湖為鴻隙陂召棠樂社誰敢毀
杭稔克羨侯之賜廟食長存如此水

延祐四明志

錢端琮

端琮淳安人淳祐元年進士

暮春

園林深處綠成堆更著松陰一徑苔煙欲過牆風約轉
水將爭港石衝回斷雲收雨鳩呼婦嫩麥盈隄雉應媒

獨有殘紅春不管等閒飛入酒卮來

四朝詩

馮去非

去非字可遷號深居南康都昌人椅子淳祐元年進士幹辦淮東轉運司寶祐四年召為宗學

諭

江上

清秋不可柰先自嬾登樓一雁叫寒水數峯生遠愁乾坤消劍氣江海笑詩流不解人間事眠鷗儘自由

所思

雁自飛飛水自流西風不寄小銀鈎斜陽何處橫孤簾

十二闌干一樣愁

以上詩家別轡

金陵鳳凰臺

許大乾坤裏那無一鳳鳴臺鼓紅日晚梧拂翠雲生瑣

瑣六朝夢悠悠千古情寒潮如有恨時打石頭城

景定建康

志

偶成

春風吹送笑談香
玉漏銀燈破夜涼
歸去東華聽官漏
杏花落盡六更長

愚見紀忘云宋時內樓五更絕柳鼓交作謂之
蝦蟇更禁門方開百官隨入所謂六更也馮去
非詩云云

句

茶疎緣睡少

金芳備祖

曾
砧

砧字宏父

題鳳山書院

暮春浴罷振春衣正是流觴修禊時
世事藏機應落落人情忘我總熙熙
醉能辭醉原非醉詩到無詩乃是詩
偉矣蘭亭衆君子不將文字立藩籬

楔帖綜聞宏父跋云宏父叔鳳山書院于廬陵
去郡城遠不二三里深得林泉之勝雖夏旱冬
涸滂流自如稍東即泉所發源地鑿石引水以
為池號流杯池置亭其上友人維揚倅朱行父
聞拉十數親友緬蹈前躅因刊楔圖并考訂所
以親為小詩贊於後時淳祐改元歲次辛丑斗
柄揮亥上澣甲子日也

董史

史字良史號閑中老叟有皇宋書錄三卷淳祐

壬寅自序

題米元章書蹟拓本

書家寶晉殆猶龍妙用通神五指中墨海波瀾無定勢
元雲天矯欲隨空格高韻勝存人品脚闊頭空笑俗工
建紹聖人精鑒賞奪真移在玉屏風

皇宋書錄高宋哀集米芾墨跡為十卷元章劇
跡咸萃焉史家藏拓本當妄贊其後

俞文豹

文豹字文蔚括蒼人著吹劍錄淳祐三年自序
徐進齋得古銅香爐具象鼻眼博古圖謂之象鼻
屬余賦之雖不足言詩聊記曾見

在象數前鍾鼻眼出囂塵外鑄形模傳香到手親曾見
全勝人看博古圖

願得身遊海外天蓬萊頂上覓沈箋為君喚起槐安夢

細讀南華內外篇

自注泉州守王庭珪香譜云箋次于
沈出占城國吹劍錄

王平子

平子吳郡人尤工小詞

題雪獵圖

烽火一息三千年漢家將軍畫凌煙胡兒不識征戰事
龍沙萬頃今桑田麗譙聲裏梅花月雲暗雪深風色惡
長嘶一騎驄蟬聯狼帽羶裘寒矍鑠韓鷹走犬登平岡
狂狐剔眼夢飛揚貫鵬落雁真戲劇高鳥畧盡良弓藏
鳳鳴居士眼雙碧少年讀書勇無敵但知橫行翰墨場

豈料一禽終不獲向來百非今已無筆端有口聊自娛
故將胷中磊落事寫作人間雪獵圖

吹劍錄

盧 鉞

鉞字威仲永福人淳祐四年進士官太學博士
咸淳中以顯謨閣學士知隆興府官至侍郎

吳興舟中

笠澤高風寒凜凜蒼溪凝雪白皚皚扁舟我獨乘歸興

自是不因安道來

後村千家詩

和太師平章魏國賈公大雪遺潛侍郎之作

底用封書禱梵林瑞霽先臘感由心
豫知農畝宜禾稼
復喜邊儲足輦任民樂齊宮誇往昔
捷歌周戍屬斯今
變調妙造推元老
治象陽明無伏陰

咸德臨安志

陳合

合字維善長樂人淳祐四年進士官知樞密院
終資政殿學士謚文惠

題陳經國龜峯詞後

西晉風流自一家憶君魂夢到梅花梅花深處無人跡

明月一枝霜外斜

龜峯詞有所齋諸兄為之跋安用復著贊語漫書癸卯冬所作懷舊一絕

繫于後陳合維善

龜峯詞

汪立信

立信字誠甫號紫源先世新安人自浮梁徙六

安淳祐七年進士歷官端明殿學士江淮招討

使元兵至建康扼吭死之贈少傅

金陵懷古

勝地尚存龍虎氣荒臺已失鳳凰蹤六朝文物山川古
霸氣終歸指顧中

新安文獻志

葉隆禮

隆禮號漁林嘉興人淳祐七年進士官建康府
西廳通判改國子監簿

烟雨樓和朱南杰韻

傍家亭館占湖東寂寞為鄰祇陸公竹樹一隄如有礙
乾坤萬象自無窮櫂歌遠入秋波綠塔影中分晚照紅

尊酒待遊烟雨候畫圖著我笠蓑翁

至元嘉禾志

馬廷鸞

廷鸞字翔仲號碧梧饒州樂平人淳祐七年進士度宗朝歷官參知政事兼同知樞密院事拜右丞相以觀文殿大學士提舉洞霄宮瀛國公即位召不至自罷相歸又十七年卒

贈程楚翁

汗竹丹鉛側空花粉黛中尚懷丞相亮宵署大夫雄有

客來令雨誇予邁古風幽情傾不竭渺渺碧雲東

新安文獻

志

程瑞

瑞字希鳳號梧岡饒州人幼與同郡馬廷鸞相友隱居自娛馬登政府未嘗以仕進干之

詠梅

清淺溪橋水高低籬外枝這些風骨異瘦盡古今詩

中洲

野錄

陳鑒之

鑒之字剛父閩縣人淳祐七年進士有東齋小

集

過吳江

垂虹四年別水渺渺來夢境今晨整芒屨柳風吹鬢影春
光徹重淵蛟困綠波靜遠帆有無處小立為徐領浩歌
翁自得白髮亂垂頸一室世誰知三萬六千頃平生卜
鄰意此際味差永翁宵平分歟吾其辨漁艇

晚登京口倅廳富覽

窮途逢偉觀小閣江萬里
薄暮岸幅巾寒烟四山起
天河注平淮斗柄卧蘆葦
欲返還少畱燈青客船尾

京口江閣和友人韻

良辰仍我輩斗酒大江邊
小閣納萬里一帆來九天
世塵黃鵠外詩興白鷗前
地勝吾哀矣長懷李謫仙

題鄭承事所作蕙蘭

蘭如君子蕙如士此評吾得之
涪翁有餘不足姑勿論

畢竟清幽氣類同

有感

霖雨何人記子桑
朱門車馬漲塵黃
百年友誼須英槩
畫虎何妨效季良

同劉叔泰放步湖邊入靈芝寺坐依光良久叔泰
誦坡仙好把西湖比西子之句予因賦古風一首
劉郎喚我出勝處
意所便清寒柳桃風濃淡杉檜烟僧
廬自生香步遠古佛前依光偶不局坐數禽聯翩平林

度清磬遙隄簇歸船湖山露真態鷗點溶溶天形容幾
吟筆剛道妝抹妍莫作西子看正如姑射仙相知喜值
予微笑生清漣

探梅

驢蹇飈寒獵帽羣吟肩山聳酒微醺彎彎竹徑霏霏雪
小小溪橋淡淡雲忽邂逅時真得侶向空濛處細飄芬
回天力量知誰似笑挽春來首策勲

與客夜飲蠟燭有花客請賦之

圓蒲促坐話情真蠟炬能花似有神畢竟蜂鬚膏馥在
酒邊依舊十分春

同潘孔時飲總宜園孔時出寶晉數帖呼道人吹
簫次日有詩予用韻答之

六橋秋新宜醉吟舉杯共聽巖鶴音危亭三面立老竹
寶晉數帖清人心涼蟬不敢喧夕曛洞簫聲遶山腰雲
搖搖歸艇水紋裂山紫天青河漢白想君獨立對空闊
一鷺毛寒藕花月

題村學圃

田父龍鍾雪色髯送兒來學尚腰鐮先生莫厭村醪薄
醴酒雖釀有楚鉗

以上東齋小集

湯漢

漢字伯紀安仁人江東提刑趙汝騰薦于朝免
解差充象山書院堂長赴禮部別院試正奏名
授上饒簿淳祐中差充史館校勘度宗朝仕至
刑部侍郎權工部尚書提舉玉隆宮以端明殿

學士致仕卒謚文清有集

寄劉後村

唐朝空自貴宏詞科目何嘗得退之掌制徒聞誇子厚
殘篇僅見命敦詩堪嗟實錄無完傳太息淮西有後碑
寄語莆田紫薇老文章蓋世例如斯

後村詩話

自做六言

春秋責備賢者造物計校好人一點莫留餘滓十分成

就全身

困學紀聞

黃 陂

陂字子耕分寧人山谷諸孫從朱文公學登淳祐進士累遷軍器監丞旬外知台州終袁州守有齋漫橐

葉水心墓誌云子耕詩詞如徑幽薄超高丘宇宙寄曠風露綽約人謂非子耕所能魯直遺墨散落收拾未盡爾

題桃源

台州郡圃

本自深村老圃來偶分符竹到天台漫山幸可容桃李

莫待劉郎去後栽

赤城志

常楸

楸字長孺海鹽人淳祐中進士度宗朝累官浙東安撫使德祐初拜叅知政事宋亡里居卒

題平江集仙宮

松菊新來入夢頻
公餘乘興得尋真
紅塵物外常清境
白日壺中不老春
柏子灰寒烟寂寂
桃花風煥水粼粼
逍遙羽士閒如許
媿我浮名役此身

海鹽縣圖經

劉克莊

克莊字潛夫號後村莆田人以蔭仕淳祐中賜
同進士出身官龍圖閣直學士卒謚文定有後
村集

題孺子亭

孺子亭前挿酒旗遊人那解薦江籬白鷗欲下還飛起
曾見當年解榻時

題忠勇廟

士各全軀命惟侯視死輕張巡鬚盡怒先軫面如生短
刃猶梟寇空峯尚背城新祠簫鼓盛人敬此神明

隨隱漫錄紹定庚寅春汀寇入譙趙守竄殿司
裨將胡斌領弱卒二百巷戰矢盡刀折易雙鐵
鞭所殺尤衆死焉坐執雙鞭屢日不僵民賴其
力多獲竄免守臣王埜聞于朝贈武節大夫贈
廟額忠勇

秋風

黃葉蕭蕭忽滿街獨騎瘦馬豫章臺莫將宋玉心中事
吹上潘郎鬢畔來

周漢國公主挽詞

孝謹親顏悅溫恭婦德修鵲橋方紀節鸞扇忽驚秋魯
筆王姬卒湘弦帝子愁願言寬聖抱況返藥宮遊
賜館恩通內妃塋詔卜鄰來應自仙佛去尚戀君親望
送龍綃溼封崇鶴表新不能秉彤管羞媿作詞臣

庶齋老學叢談理宗聖學高明尤工于文周漢
國公主薨誌銘詔楊平齋撰挽詩以劉後村為
第一

落梅

一片能教一斷腸，
可堪平砌更堆牆。
飄如遷客來過嶺，
似騷人去赴湘。
亂點莓苔多莫數，
偶黏衣袖久猶香。
東風謬掌花權柄，
卻忌孤高不主張。

病後訪梅

夢得因桃數左遷，
長源為柳忤當權。
幸然不識桃兼柳，
也被梅花累十年。

以上後村集

瀛奎律髓寶慶初史彌遠廢立之際錢唐書肆
陳起宗之能詩凡江湖詩人皆與之善宗之刊
江湖集以售劉潛夫南岳臺與焉宗之詩有云
秋雨梧桐皇子府春風楊柳相公橋
哀濟邸而

誚彌遠本改劉屏山句也或嫁為教臞菴罷之所作言者併潛夫梅詩論列劈江湖集板二人皆坐罪初彌遠議下大理遠治鄭丞相清之在瑣闥白彌遠中輟而宗之坐流配于是詔禁士大夫作詩如孫花翁季蕃之徒改業為長短句紹定癸巳彌遠死詩禁始開潛夫為病後訪梅絕句云云此可備梅花大公案也

齊人少翁招魂歌

夜月抱秋衾支枕玉鸞小豔骨泣紅蕪茂陵三十老卧聞秦王女兒吹鳳簫淚入星河翻鵲橋素娥剗戰跨玉兔回望桂宮一點霧粉紅小蛺沒柳烟白茅老仙方瞳

圓尋愁不見入香髓露花點衣碧成水

東阿王紀夢行

月青露紫翠衾白相思一夜貫地脈帝遣纖阿控綵鸞
崑崙低小海如席曲房小幄雙杏坡玉鳧吐麝熏錦窠
軟香蕙雨裊袂溼紫雲三尺生紅鞞金蟾吞漏不入咽
柔情一點薔薇血海山重結千年期碧桃小核生孫枝
陳王此恨屏山知

趙昭儀春浴行

花奴一雙鬢垂耳綠繩夜汲露桃藥青桂寒烟溼不飛
玉龍呵暖紅薇水翠鞦踏雲雲帖妥燕釵微卸香絲鬢
小蓮夾擁真天人紅梅犯雪敲一朵鸞錦屏風畫水月
鴝鵒抱頸啞蘭葉劉郎散卻金餅歸笑引香綃護癡蛺
以上詩人玉屑

句

判花人競誦詩草士深藏

贈洪使君藝林伐山

劉克遜

克遜字無競號西墅後村之弟仕為古田令

送楊帥

累詔登華省當時已避蹤身閑名轉重道大世難容南

國因鋤薤東山得倚筇何當投劾去短褐許相從

詩林萬選

劉 黻

黻字聲伯號質翁樂清人淳祐中試入太學由

學官試館職度宗朝累官吏部尚書端明殿學

士擁二王入海及羅浮卒謚忠肅有蒙川集

大龍湫

總是佳山水龍居又不同神明專一壑氣勢壓羣雄
派想從天落湫疑與海通矩那看不厭宴坐雨聲中

寶界寺

在南安軍張無垢讀書于此雙趺隱然

城中惟一寺僧老雪盈頭曾識神仙到仍多諫議游
鐘聞香火夕碑隱桂杉秋可惜高堂上雙趺石不留

題江湖偉觀

柳殘荷老客淒涼獨對西風立上方萬井人烟環魏闕

千年王氣到錢塘湖澄古塔明寒嶼江遠歸舟動夕陽
北望中原在何所半生盈得鬢毛霜

以上蒙川集

方岳

岳字元善寧海人有深雪偶談

感舊

并序

淳祐初僧友自南嘗從天竺歸隱溪之南岡余冬夕
踏落葉訪之小庵迎吠時佛燈猶在啟闕煮茗既而
侶行溪間篙小舟自拜龍巖順流東下誦坡谷詩徘徊

徧久之舍舟登岸借僧裘禦寒而返樓指二十霜矣
昔年訪月寒溪頭霜高酒劣校生裘溪僧輟寢從吾幽
共移不繫漁父舟斷崖老木紛金蚪又如蘋藻涵清流
鶴骨浸煩風露憂妙語滿地無人收

深雪偶談

鷺

聳兩吟肩似我愁菰蒲葉下一身秋溪風昨夜吹魚落
飛過前灘看水流

陳郁話腴

方逢辰

逢辰字君錫淳安人淳祐十年進士第一初名夢魁理宗御筆改今名累官兵部侍郎國史修撰兼侍讀宋亡元世祖詔起之辭不赴卒于家

有蛟峯集

被徵不赴

萬里皇華遣使輶姓名曾覆御前甌燕臺禮重金為屋
嚴瀨風高玉作鉤丹鳳喜從天外落白駒須向谷中求
敲門不醒希夷睡休怪山雲著意留

贈樵隱

樵仙深入琴棊境一笑出門天地寬
人世已非存朽斧土音不改只南冠
弦中自有冰心在局外何妨道眼觀
霽月光風元屬我飯牛何謂夜漫漫

以上蛟峯集

袁立儒

立儒號溪翁建安人淳祐中提點兩浙刑獄除
侍右郎官

題駙馬都尉王晉卿所作夢游瀛山圖

珍木文禽玉佩環清都絳闕色琅玕香山居士蓬萊院
借與王郎夢裏看

清河書畫舫

楊伯巖

伯巖字彥瞻號泳齋楊和王諸孫淳祐間除工
部郎守衢州錢唐薛尚功之外孫弁陽周公謹
之外舅也著有六帖補九經補韻行于世

遊九鎖

曉山雲樹碧生秋乘興閑為洞府游片石卻將仙路隔

負人平昔慕浮丘

亭前絕壁下飛瀑天風夜半吹韶咸疑是銀河天上水

壯士挽落千丈巖

洞霄詩集

徐偃王廟

當年大德瑞朱弓仁在斯民千古同故國已無徐子土

靈祠今有梵王宮水流簷影晴江上山接鐘聲暮靄中

攬轡此行因致敬蒲團分坐聽談空

衢州府志

施清臣

清臣號東洲淳祐間人

牽牛花

一泓天水染朱衣生怕紅埃透日飛急整離離蒼玉佩

曉雲光裏渡河歸

詩林萬選

王同祖

同祖字與之號花洲金華人淳祐中建康府通

判次改添差沿江制置司機宜文字有學詩初

集

太乙宮卽事二首

金殿重重晝不開盤窠蒼柏兩行栽
角門東畔瞻宸几
仙仗曾迎翠輦來

綠陰密處著危亭佳氣蔥蔥王武林
一片紅塵飛不入
杜鵑啼處白雲深

自注山後有亭乃武林山

夜步內門

靜夜孤燈人未眠等閒行過內門前
一聲唱徹連珠諾
皇城夜間
唱連珠諾
碧月朱闌綠柳邊

春日雜興

迢迢清夜靜無譁
月色千門噪亂鴉

吳山月明則鴉羣噪

坐久忽

驚寒力重不知殘
雪在梅花

天津橋

橋在金陵行宮前昔人謂山如洛邑水如瀍澗因以名之

行闕千重鎖暮烟
山如洛邑水如瀍
黃塵障斷中原路
悲立橋頭聽杜鵑

冬日金陵制幕書事五首

督制堂堂兩重臣
駐師移府夾江濱
資糧罪屨多多辦

更有舟車乞與鄰

自注時督制兩閩移屯江岸應援淮城東閩亦自維揚提兵會合軍需等

物多本司貸之

官軍聞說定廬州破敵功成一滴油

自注一滴油弩名

智勇功

名付元凱王三錫命到康侯

自注此詩為合肥作金人以重兵三十萬圍城者四

十餘日制帥杜公于援兵未至前不動聲色而破之父子俱奏雋功受上賞

城中守將方投死陣面將軍已賣降版築紛紛成底事

那知靠後是長江

自注此詩為滁州作金人圍滁州凡兩月守臣陳廣竭力挫之已有退志

會援師築城于江壩未進廣以中傷死有內變金人遂入而城亡矣

薄晚官軍得勝歸家家戶戶挂旌旗陣前紀律明于日
師入城來半不知

自注為往來過軍作

三五同寮出幕遲公餘終日意遲遲歸來又被梅花惱
撥冗銅彝插數枝

以上學詩初集

陳允平

允平字衡仲一字君衡四明人號西麓有西麓
詩彙

香奩體

小院薰風滿閒庭白晝長蜻蜓楊柳岸
鷓鴣菱荷塘雲合朱簷卸山高翠閣涼
蔓滋青薜荔芽長紫良薑簾幙深深地
闌干曲曲廊淡烟瑤草細流水碧桃香
幡影重門靜苔痕小篆荒螭盤丹鼎雪
龍吸露臺漿琴古翻新調笙沈艷舊簧
雨聲犀角枕月色象牙牀掌上雙鸚鵡
屏間兩鳳凰石函藏寶劍金鑰啟瑤箱
扇雉團清影區鴛試曉粧霞綃衣窄索
雲錦佩玎璫鬢攏金蟬蟲釵橫玉燕翔
袂飄天水碧裙濺鬱金黃太液簫初遠
蓬壺漏

未央流星飛碧落零雨下銀潢去去人千里迢迢天一
方斷腸春洛浦殘夢夜瀟湘

題胡月山吟屋

蘇公隄上路日日課新吟流水行花影斜陽卧柳陰斷
橋春聽樂矮屋夜鳴琴皎皎山門月如君一片心

吳江道上

夜半扁舟出洞庭客帆初挂早潮平社風纔過海鷹至
嵐霧未收江鵠鳴吳岫亂雲擎古塔楚臯寒葉擁荒城

垂虹橋外連天水無限別離生杜蘅

后土廟

塵擁妝臺翡翠翹瓊花開盡玉魂銷崑崙山上天風落
二十四橋吹洞簫

江南謠

柳絮飛時話別離梅花開後待郎歸梅花開後無消息
更待明年柳絮飛

秋夜遊東墅

雲壓高空雁陣低
江城歷歷草離離
樓臺秋淡玉簫遠
簾幙夜寒銅漏遲
明月鷺鷥菱葉浦
西風蟋蟀豆花籬
一尊酒盡銀河落
猶有殘鐘出古祠

閨情

閒拈花片貼紗窗
繡幙斜飛燕子雙
細數歸期相次近
倚樓日日望春江

吳山雪霽

九天宮闕春風滿
陸地樓臺夜月寒
鐵笛一聲吹雁落

片雲不到玉闌干

馬塍道上

閒拖瘦竹筇獨步馬塍東
鳥影青山外春愁碧樹中
麥潮風化蜨櫻熟雨生蟲
莫過溪頭去溪頭多落紅

小樓

寒空漠漠起愁雲
玉笛吹殘正斷魂
寂寞小樓簾半卷
雁烟菴雨又黃昏

登西樓懷湯損之

楊柳飄飄春思長
綠楊流水遶宮牆
碧雲望斷空回首

一半闌干無夕陽

以上西麓詩彙

句

石屋雨來春樹暗
海門潮起暮雲高

方虛谷桐江集云予淳祐中偶至靈隱冷泉時
京尹盡去楫問詩板僅存者二其一云云此四
明陳允平詩蓋許渾體也

鄭霖

霖字景說天台人
淳祐中知平江府

淳祐己酉月正人日春雨堂宴三學同舍即事

十年隨牒訪三高不覺星星上鬢毛尚憶齋鹽形夜夢
聊因椒柏薦春醪文明再會知何日臭味相投屬我曹
總是虞庠舊培植致君當不媿夔臯

吳郡志附

王學可

學可字亞夫襄陽人參知政事之望孫淳祐間
臨安府倅

洞霄宮

天柱峯高萬壑分，故畱九鎖限塵氛。
泉飛窗牖長爲雨，日上岡巒半是雲。
洞擘陰崖通遠岫，石生暗暈作奇紋。
聖朝每爲民祈福，絕笑求仙漢代君。

洞霄詩集

石橋

天巧何年路千峯，亂入雲瀑飛雙澗。
合崖斷一橋分樹色，春猶凍猿聲夜或聞。
靈蹤如可見，煮茗共爐熏。

天台志

題蘇端明書乳泉賦後

蘇公早聞道文章，乃其戲乳泉出重海作賦聊記異玉。

池曠中夜挈瓶非小智氣者水之生此語可深味

式古堂書

考

李彭老

彭老字商隱號簣房淳祐中沿江制置司屬官

元夕

斜陽盡處蕩輕烟輦路東風入管弦五夜好春隨步暖
一年明月打頭圓香塵掠粉翻羅帶蜜炬籠綃鬪玉鈿
人影漸稀花露冷踏歌聲徹曉雲邊

武林舊事

弔賈秋壑故居

瑤房錦榭曲相通能幾番春事已空惆悵舊時吹笛處
壞窗風雨剝青紅

齊東野語景定三年正月詔以魏國公賈似道
有再造功命有司建第宅家廟賈固辭遂以集
芳園及緡錢百萬賜之園故思陵舊物古木壽
藤多南渡以前所植者積翠四抱仰不見日架
廊疊磴幽渺逶迤極其營度之巧猶以為未也
則隧地通道抗以石梁傍透湖濱架百餘楹飛
樓層臺涼亭煥館華卉精妙前揖孤山後據葛
嶺兩山映帶一水橫陳各隨地勢以構架焉堂
榭之有名曰蟠翠古松雪香古梅翠巖奇石倚
繡雜花挹露海棠玉蘂瓊花茶蘼清勝假山已

上集芳舊物高宗扁西湖一曲奇勛理宗御書
秋壑遂初客堂度宗御書初陽精舍山之坳曰
無邊風月見天地心水之濱曰琳琅步歸舟早
船通名之曰後樂園又以爲未足則于第之左
數百步瞰湖作別墅曰光漾閣春雨觀養樂堂
嘉生堂千頭木奴生意滿然生物之府通名之
曰養樂園又于西陵之外樹竹千挺架樓臨之
曰秋水觀第一春梅塢刺船亭則通謂之水竹
院落馬近世以詩弔之者甚衆李彭老一絕云

程洙

洙秘族弟淳祐十年進士景定初爲上元簿德
祐乙亥建康守將以城降元洙不屈死有南窗

橐

秋晚懷友

長亭一樽酒猶記別時斟
碧草思前夢黃花見此心
關

河秋北望天地日西沈
遙想山中桂何人月下吟

新安文獻

志

曾淵子

淵子字廣微南豐人宰六世孫鈺之子淳祐十

年進士累官右正言監察御史權戶部尚書浙

西制置使拜同知樞密院事罷知雷州端宗在
硯州自雷來覲拜參知政事廣西宣諭使元兵
至走安南卒

九日登翰苑臺

在筠州新昌縣

翰苑臺邊拂舊題歲華荏苒壯心違看萸喜得親猶健
對菊猶慚令未歸秋水一江鷗共瘦雲山千里雁初飛
宦情有暇無風雨把酒相酬此會稀

瑞州府志

客安南見進奉使回口占

安南莫道是天涯
歲歲人從薊北回
江北江南親故滿
三年不寄一書來

四朝詩

陳必復

必復字允咎
閩人淳祐十年進士
有山居存藁

山居

接砌斜通徑
緣籬矮結牆
地卑蝸篆屋
山暖蜜分房
過雨林亭靜
落花春晝長
幽居差省事
猶有課詩忙

客枕

客枕偏饒睡春歸尚擁綿
屋深燈易暈漏短夢難圓
樓鳥警涼夜鬧蛙喧雨天
一聲柔櫓過何處上溪船

贈張駒自號牧隱

乍見語相合苦吟心更親
老于琴得趣隱與牧為鄰
一夜巖花雨十年江樹春
所交半湖海恨晚識斯人

宿龍山精舍

偶貪禪宇靜襟被到深林
夜榻僧同話寒簷客自吟
窗明疑積雪樹黑怪常陰
猶恨怱怱出丁寧約重尋

舟中效東坡用韻

底事京塵踏軟紅又隨征棹過吳淞人家半在桑柘住
春水忽迷蘆葦叢赤蟹白魚今稍稍紅櫻紫筍已息息
船窗盡日看山色多少好山供眼中

以上山居存藁

蕭立之

立之字斯立寧都人淳祐庚戌進士知南城縣
歷南昌推官辰州判遭世亂歸隱蕭田有集仲
子士贊為李白詩分類補注行于世

桃源

桃源花發幾番春
聞說漁郎此問津
秦帝漫勞方士遣
神仙已是避秦人

金芳備祖

杜鵑

思歸言語苦悲辛
啼老江南綠樹春
莫倚巴西君故土
巴西風景近愁人

秋日

野店聊為一枕謀
五更歸夢入鄉愁
溪流清淺春鉏曉

籬落荒涼絡緯秋

以上梅磻詩話

落梅

玉龍戰退鹿胎乾好在晴沙野水看舞翠夢回仙袂遠
射鵰人去露崖寒連環骨冷香猶暖如意痕輕補未完
誰在高樓吹笛處輕衫當戶獨凭闌

小窓清記

陳杰

杰字壽夫分寧人淳祐十年進士制置司屬官

有自堂存藁

題梅壇毛慶甫雲悅樓

白衣蒼狗無猜物，翻手悲歡變古今。
輸與道人長快活，

看渠起滅不關心。

梅仙事實

王時彥

時彥蜀人

題梅壇毛慶甫雲悅樓

一生活計一身閒，日與白雲相往還。
五百年間知此味，

華山去後到梅山。

梅仙事實

朱 渙

渙字行父號約山大理寺丞守衡州

題梅壇毛慶甫雲悅樓

和衣高卧白雲堆門倩雲封不妄開留向山中自娛悅

莫教一片出山來

梅仙事實

姚 勉

勉字述之高安人寶祐癸丑廷對第一除校書

郎兼太子舍人有雪坡集

余評事惠龍團獸炭香瓔鳧實且許以百丈山楮
衾而未至

青禽銜雲落蓬壺風簷快讀光眉鬚百朋珍貺羅庭隅
一一皆可當清娛建溪龍焙香雲腴香瓔巧製來東吳
鬚髻獸炭奇形模辟邪天祿獅熊羆王家烏種君家鳧
晴沙暖抱明月珠雅意下照仙人癯矮窗醉兀詩情孤
蒲團松拂燒紅爐蝸廬積凍春潛驅侍兒金珞香玉膚
月鐺煮雪煎春酥窗前笑玩嬌黃雛能言直可貢上都

其波及晉皆君餘獨欠一幅橫雲鋪王孫醉擁紅璫綸
楮生長揖非吾徒藤牀紙帳恰此須能供梅花清夢無
新晴曉步

晴曉芳蹊潤幽情得自怡霧黏行草蛺蝶風舞罨花絲竹
靜聞鄰話林虛度客棊意行無伴侶池上只鶯知

放生池納涼晚歸

湖面輕烟起前山漸不分鐘聲連寺谷人語隔船聞吟
客衣生月歸僧笠帶雲及城門未掩燈火已紛紛

題西湖竹閣寺二首

入門纔見萬琅玕，便覺玲瓏日影寒。
峯勢近環簷外立，湖光更好竹中看。
烟霞古淡僧容瘦，風露清高鶴夢殘。
已占兩亭涼坐足，再須登閣倚闌干。

千古清風白樂天，昔時曾此飽談禪。
自從西閣無吟迹，唯有東坡嗣舊傳。
來往祇應湖上寺，聽聞誤說海中仙。

我來再拜祠堂下，笑摘巖花薦井泉。

以上雪坡集

時少章

少章字天彛金華人寶祐癸丑進士官史館檢

閱

冬狩行

北庭十月百獸肥夜植虎落朝打圍倒榛伏棘一千里
疊鼓欲渡繩林西西風吹塵黯如霧賀蘭花驄踏風去
老虜鉞交作兒啼橫飛一矢貫兩麕將軍十指撮矢笑
四合周隄皆絕叫牛酒過山酺爾曹今年拔城如拔毛
金華詩粹

孫炳炎

炳炎字起晦餘姚人寶祐癸丑進士權吏部郎
出知饒州除軍器監

題元實弟姚山別業

別業倚嶙峋幽居寓目新聞花繁覆砌靜燕語通人野
翠生窗晚林香入戶春願因張老祝持以奉芳辰

四明山志

林泳

泳字太淵號弓寮希逸長子寶祐元年進士出

宰安溪有集

岳武穆王墓

天意只如此將軍足可傷忠無身報主冤有骨封王苔

雨樓牆暗花風廟路香沈思百年事揮淚灑斜陽

武林舊事

郭燠

燠東陽人

挽內子

山鬼鬼兮日西望吾侶兮不歸惆悵兮階前物換兮人

非春去兮花殘春歸兮芳菲老不可以再壯君胡為而

先馳

石洞遺芳集

章雪崖

雪崖平江人問道于朱子


偶作

掩關作夏計長日獨清坐戎葵競自花安榴粲成朶時

芳詎容歇幽賞無不可微風忽吹來諒亦深知我

車若水腳

氣集



宋詩紀事卷六十六